

TOSHKENT HAQIQATI

1928-yil 11-dekabrda asos solingan

@haqiqatonline_24

Haqiqat online

haqiqatonline_



QR-kod

Хамкорлик МЕМОРАНДУМ ИМЗОЛАНДИ

Тошкент вилояти ҳокими Зойир Мирзаев Жанубий Корея Республикасининг Жеолланам-до провинцияси депутатлар кенгаши вакиллари билан савдо-иқтисодий ва маданий-гуманитар алоқаларни янада кенгайтириш мақсадида учрашув ўтказди.

Учрашувда вилоят ҳокимининг ўринбосарлари Нажмиддинхўжа Шарипов ва Отабек Султонбеков, Халқ депутатлари Тошкент вилояти Кенгаши котибияти мудири Отабек Анаров, тегишли мутасаддилар ҳамда Жеолланам-до провинцияси Кенгашининг 14 нафар делегация аъзолари қатнашди.

Вилоят ҳокими корейлик делегатларга ўтказилаётган мазкур музокаралар ҳар икки мамлакат ўртасидаги ўзаро ҳамкорлик алоқаларининг янада мустақамланиши йўлида хизмат қилишини билдириб ўтди. Шунингдек, юртимизда Кенгаш депутатларининг ваколатлари кундан-кун ортиб бораётгани, "Ўзбекистон – 2030" стратегиясининг қабул қилингани ва унинг моҳияти, ҳозирги кунда вилоятда Корея Республикаси ҳамкорлигида 98 та келишувларга эришилганлиги, хусусан, тиббиёт, ижтимоий ва қурилиш йўналишларида битимлар имзолангани, фаолиятини бошлаган 12 та олий таълим муассасаларида жами 50 минг талаба тахсил олиб келаётгани

тўғрисида батафсил тўхталди. Учрашув давомида мамлакатимизда тадбиркорлар ва чет эллик инвесторлар учун яратилган шароитлар, маҳаллий кенгашларга берилган бир қанча ваколат ва имтиёзлар хусусида ҳам таъкидланди.

Жеолланам-до провинцияси депутатлар кенгаши раиси ўз сўзида 2018 йилдан буён ҳар икки давлат ўртасида визасиз қатнов тизими йўлга қўйилганлиги халқаро муносабатларни янада яхшиланганига хизмат қилганини таъкидлаб, бугунги келишувларда Ўзбекистон ва Корея мактабларида ўқитувчилар тажриба алмашинувини йўлга қўйиш масалалари буйича таклифларини билдирди.

Эндиликда ўқитувчилар тажриба алмашинувини йўлга қўйиш, Оққўрғон мономарказида корейс тили ўргатиладиган қисқа муддатли ўқув курслари ташкил қилишга келишиб олиниб, икки томон ўртасида ҳамкорлик меморандуми имзоланди.

Тошкент вилояти ҳокимлиги
Ахборот хизмати

Ўзбекистонда ишлаб чиқарилган

Олмалик шаҳри саноатида юқори кўрсаткичлар қайд этилаётгани қувонарли. Худудда фаолиятини йўлга қўйган корхоналарда ишлаб чиқарилаётган маҳсулотлар ҳеч бир жабҳада жаҳондаги илғор компанияларда тайёрланган турдошларидан қолишмайди. Шундай корхоналардан термопластик универсал полимер ва алюмин профил конструкцияларини ишлаб чиқаришга ихтисослашган "Истек" корхонасидир.



Сармоя ва сифат

замонавий саноат ривожининг муҳим кафолатидир

Мазкур корхонада бугунги кунда Ўзбекистонда анча оммабон ва талабгир саналган ойна ва эшиклар учун алюмин профиллар, аксессуарлар ва бутловчи қисмлари тайёрланмоқда.

– Бу ерда ПВХ, алюминий эшик ва ромлар ишлаб чиқариш соҳасидаги барча илғор технологиялар қўлланилади, – дейди корхона раҳбари Ўткир

Жўраев. – Туркия, Италия давлатларидан келтирилган замонавий ускуналар ўрнатилган. Автоматлаштирилган линияларда ишлаб чиқаришнинг ҳар бир босқичи компьютер тизими орқали бошқарилади ва назорат қилинади. Ушбу ёндашув юқори аниқлик, самарадорликни таъминлайди. Корхонамизда ойига 15 минг квадрат метр ҳажмда маҳсулот тайёрланади.

Сайёр қабул

ЮЗМА-ЮЗ МУЛОҚОТЛАР ДАВОМ ЭТАДИ

Вилоят ҳокими Зойир Мирзаев вилоят Халқ қабулхонасида аҳолини қийнаб келаётган муаммоларни ҳал этиш, таклифларини ўрганиш мақсадида навбатдаги сайёр қабулини ўтказди. Унда барча сектор раҳбарлари, мутасаддилар, вилоятдаги қатор ташкилот раҳбарлари иштирок этди.

(Давоми 2-саҳифада)



Янгийўллик томорқачилар тажрибаси оммалашяпти



Вилоятимизда жорий йил бошидан буён 369 минг нафар аҳолининг даромад келтирадиган меҳнат билан бандлиги таъминланди. Жумладан, қишлоқ хўжалиги тармоқларида 204,8 минг аҳоли доимий ва мавсумий ишлар билан шуғулланиб келмоқда.

Хусусан, Янгийўл туманида арзон ва сифатли мева-сабзавот етиштириш ва ички бозорни таъминлаш борасида томорқа хўжаликларининг ўзига хос тажрибаси бор.

(Давоми 2-саҳифада)

Вилоят бўйлаб

ЮҚОРИ ЧИРЧИК туманидаги деҳқон бозорига "Яшил макон – бизники!" дея номланган кўчатлар ярмаркаси ташкил этилди. Ярмаркада туман тадбиркорлари ва республикамизнинг шу соҳа бўйича мутахассислари сифатли кўчатлари билан қатнашиб, уларни тўғри парвариш қилиш йўллари тарғиб қилишди.



ОҚҚҮРҒОН туманидаги 39-умумий ўрта таълим мактабида "Мураббийлар боғи"ни яратиш мақсадида 0,5 гектар майдонга турли хил мевали ҳамда манзарали кўчатлар экилди. Тадбирда туман ҳокими ўринбосари Ж. Жоникўлов, Халқ депутатлари Тошкент вилояти Кенгаши депутати Н. Ботиров, мактабгача ва мактаб таълими бўлими мудири М. Тожибоев ҳамда умумтаълим мактаблари директорлари иштирок этишди.



Аҳоли муаммоларини манзилли ўрганиш, ечимини кутаётган масалаларни бартараф этиш мақсадида БЕКБОД шаҳар ҳокимлиги биносига мутасадди раҳбарлар иштирокида фуқаролар қабули ўтказилди. Аҳолидан йўлланган мурожаатларнинг 14 таси шу ернинг ўзига ижобий ҳал этилди, қўшимча ўрганиш талаб қиладиган 11 та мурожаат тегишли мутасаддиларга йўналтирилди ва ижроси назоратга олинди.



ЗАНГИОТА тумани "Аёллар дафтари" рўйхатида турувчи ижтимоий ҳимояга муҳтож, 1- ва 2-гурӯх ногиронлиги бўлган хотин-қизларга оила ва хотин-қизларни қўллаб-қувватлаш мақсадли жамғармаси маблағлари ҳисобидан эшитиш аппаратлари ҳамда катталар учун юриш мосламалари берилди.



Обуна-2024

Қадрдон газетангиз

"TOSHKENT HAQIQATI"га

2024 йил учун

ОБУНА

бўлишининг айти фурсати етди!

Вилоятимиз аҳолининг қарийб 95 йиллик энг яқин ҳамроҳи келгуси йилда ҳам ҳамнафас бўлишига ишонамиз!

